



Inatsisartunut ilaasortaq,  
Kristian Jeremiassen, Inuit Ataqatigiit  
Maani/

## § 37 naapertorlugu apeqqummut nr. 027/2022-mut akissut

Asasara Kristian Jeremiassen,

Kommune Qeqertalimmi piniarnermik nakkutilliisut pillugit Naalakkersuisunut Inatsisartut suleriaasianni § 37, imm. 1 naapertorlugu apeqquteqarputit. Apeqqut uannit akineqartussanngortinneqarpoq.

### 1. Kommune Qeqertalimmi piniarnermut aalisarnermut nakkutilliisumik pilersitsisoqarniarpa?

#### Akissut:

Kalaallit Nunaanni Aalisarsinnaanermut Akuersissutinik Nakkutilliisoqarfimmi (KANUAANA) aqutsinermik nakkutilliinermillu aqqissuussaanerup nutaap 2020-mi 2021-milu pilersinneqartup pilersinneqarnerata kingorna sumiiffik KANUAANA-p Ilulissani nunap immikkoortuani allaffianiit nakkutigineqarpoq. Pilersaarutaavoq sumiiffik KANUAANA-p Ilulissani nunap immikkoortuani allaffianiit nakkutigineqassasoq. Kommune Qeqertalimmi piniarnermik aalisarnermillu nakkutilliisut atorfirmik pilersitsinissamik maannakut pilersaaruteqartoqanngilaq.

Malugineqaqquneqarpoq Nunap immikkoortuini allaffinnut pingasunut tamanut ataatsimik nakkutilliinermi angallamik sukkasuuliamik angallateqartinneqalissammata, taamaammat Ilulissani nunap immikkoortuani allaffimmi piniarnermut aalisarnermullu nakkutilliisut assersuutigalugu Aasiannut akunnerit marluk ingerlasinnaassapput, tamannalu sumiiffimik tamarmiusumik tamatigoornerusumik nakkutilliinissamik periarfissiivoq.

Naalakkersuisut aningaasaliisarnermi pissutsit pissutigalugit piniarnermik aalisarnermillu nakkutilliineq qulaani taaneqartutut aqqissuunnikuuaat. Inatsisartut piniarnermik aalisarnermillu nakkutilliineq allatut aqqissuunneqarnissaa kissaatigippassuk aningaasanut inatsisikkut amerlanerusunik aningaasaliinissaq pisariaqarpoq

### 2. Aalisarnermut piniarnermut nakkutilliisumik pilersitsisoqassappat qaqugu pilersitsisoqassava?

Svar: Apeqqummut. 1-imut akissut takujuk.

27-01-2022  
Sags nr. 2022-2094  
Dok. nr.  
Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.naalakkersuisut.gl

**3. Kommune Qeqertalimmi piniarnermut aalisarnermut nakkutilliisumik pilersitsineq qanoq akeqassava?**

**Akissut:** Piniarnermik aalisarnermillu nakkutilliisunut ukiumut aningaasartuutit akissarsianut, ingerlatsinermit aningaasartuutitut ilinniartitaanermullu 1 mio. kr. missaanniipput. Tamassumunnga ilanngunneqasaaq angallatinut, atortunut elektroniskinit atisanullu atortunut pilersitsinermit 1 mio. kr. missaanni atorneqartussaassasut.

**4. Qasigiannguani inissisimanissaa pilersaaruteqarfingineqarpa?**

**Akissut:** Apeqqummut 1-imut akissut takujuk.

Inussiarnersumik inuulluaqqusillunga

Aqqaluaq B. Egede  
Aalisarnermut Piniarnermullu Naalakkersuisoq

